



اداره خانه سی :

باب عالیده
(یکی توریه)
مطبعه سی فوقنده کی
دائرة مخصوصه



مرکز توزیعی :

باب عالی جاده سنده
(اتحاد تجارت)
تبخانه سی ایله
(یکی توریه)
مطبعه سی

مجموعه

علمی، ادبی، اجتماعی و شهری مجموعه در .
صاحبی، مدیری، محرری : طاهر المولوی

استراشراطی : هرسته نك برنجی وایکتهی آلی آیلغندن اعتباراً
آبونه قیداولونور . سنه لکی اون ایکی نسخه
اولیق اوزره پوسته اجرتهله برابر (١٠٠) ، آلی آیلغی (٥٠)
غروشدرد . ممالک اجنبیه ایچین ٥٠ و ٣٠ غروش علاوه سی لازمدور .

نخبرشراطی : ملتك نفعه خادم یازیلر مع التشر قبول ونشر
اولونور . یازانك شخصیتی دکل، یازانك مادیتی
نظردفته آلینیر : کونده ریله جك آناووقوناقلی مختصرجه یازیلش اوالیدور .
کلن یازیلردن شایان قبول کورولنلر تاریخ صیراسیله دوج ایدیلیر .

نك یکن سنه لره عائد و پك چوق معلومات مفیده یی حاوی اولان نسخه لری منتظماً دیکیلمش
واوزره لرینه قالین برز قاباق کچیریلهرک مجلد کتاب حالته کتیریلشدر . خیرالانیس اولایله جك
بو نفیس کتابلردن برنجیسنك موجودی بیتمش، ٨-١٢ نجی نسخه لری پراکنده اولارق
قالشدر . بهر نسخه سی ١٠ غروشدرد . ٢، ٣، ٤ وه نجی جلدلرک بدلی پوسته اجرتهله برابر یوزر غروشدرد . طوغروندن
ظوغروه اداره خانه یی داخلدن ٣٠٠ ، خارجدن ٣٥٠ غروش کونده ریلدیکی صورتده هر درت جلدی یولالیر .



منه رجات :

مجلس علمی : طبقات المفسرین - برغمه لی جودت افندی . اسناد - زاهر افندی . علم خیال - نظیف نك .
کونش - عبدالرحمن نك . انجیل و ایچکی دشمنی خریستیانلر - رشید مظهر نك .
مجلس ادبی : غزل - شکیب نك . طیاره اوچارکن - معمر افندی . تاوه - طاهر المولوی .
مجلس اجتماعی : اتحاد - طاهر المولوی . هندستانده اتحاد - سعدی نك . پارسده طاووقچیلیق سرکیسی زیارت
- رشید مظهر نك .
یکی کتابلر : تحفه رمزی، کیف ویرن زهرلر .

مجلس علمی :

تفسیرلر - مفسرلر
قسم ٢

طبقات المفسرین

معلوم اولسون که مفسرینک روایت ودرایت
اعتباریله طبقاتی اون درتدر .
برنجی طبقه : اصحاب کزین رضوان الله تعالی
علیم اجمعین طبقه سیدر . اصحاب کزین ایچنده
تفسیر ایله اشتهار ایدنلر، بروجه آتی ذوات کرامدر :

چاریار باصفا . ابن مسعود ٣٣ [.] . ابن عباس ٦٨ .
أبی بن کعب ٤٣ . زید بن ثابت ٤٨ . ابو موسی
الاشعری ٤٤ . ابوهریره ٥٧ . عبدالله بن الزبیر ٧٣ .
انس بن مالک ٩١ . جابر بن عبدالله ٩٩ .

علی بن ابی طالب ٤٠

چاریار کزین ایچنده اک زیاده تفسیر ایله اشتهار
ایدن وبوبایده کندیسندن روایت اکثر اولان علی
بن ابی طالب رضی الله عنه وکرم الله وجهه در .
[.] رقلر تاریخ وفاتلریدر .

بونك ده سببي : ابوبكر ، عمر ، عثمان رضی الله عنهم
حضراتك انتقاللری تقدم اتمش اولماسیدر . بناء
عليه اولردن تفسیرك ثبوتی ، مشار اليه نسبتله آزدرد .
حضرت عليتك تفسیرده کی وسعتی حقنده بك
چوق صحابی طرفندن حسن شهادت وقوعبولمشدر .
ابوالطفیل حضرتلری دیمش كه : «بولونديغ بر
مجلسده حضرت علی خطبه یه چيقوب شوسوزلری
سویله دی : « بكا نه صورارسه كز جوابسز قالماز .
باخصوص كتاب الله دائر نه صورارسه كز سزه
كافی وشافی جوابلر ویریرم . ايشته میدان .
طورمایكز ، سوروكز . سزی یمین ایله تأمین
ایدهرم ، هیچ بر آیت یوقدر كه بن ، اونك کیجه می ،
كوندوزمی ، اوواده می ، طاغده می ، درده می نازل
اولدیغی بيلمه یهیم » .

ابن مسعود حضرتلری دیوركه : « قرآن ،
یدی حرف اوزره در . ظهر وبطنی وارد . علی
بن ابی طالبك نزد اطلاعنده هم ظهري ، هم بطنی
موجوددر » .

نه قیمتدار شهادت دكلی ؟

عبدالله بن مسعود ۳۴

مشار الیهدن روایت اولنان تفسیر ، جناب
مرتضادن روایت اولنان تفسیردن چوقدر . علم
تفسیرده کی کثرت اطلاعی ، هر آیتك نره ده نازل
اولدیغی ، لیلی ، نهاری ، حضری ، سفری ، صیفی ،
شتوی هانکیسندن بولندیغی بیلدیکی جهته تحدیثاً
للنعمه اعلان ایدردی وعلاوة «ا کر بوبابده کنیدیندن
اعلم بر آدم ایشیتسه شد رحل ایله تحصیلنه شتاب
ایدرم » دیردی .

۳۲ سال هجریسنده مدینه ده بالارتحال (بقیع
الفرقد) قبرستانه دفن اولوندی .

عبدالله بن عباس ۶۸

سلطان المفسرین ، ترجمان القرآن عنوانلریله

بین الامة شهرتکیر اولان بو ذات عالیقدرک ماده
وجودینه حضرت پیغمبر طرفندن بروجه آتی
دعالرله ا کسیر معنوی طرح اولونمشدر : « اللهم
علمه التأویل ، أنه الحکمة ، اللهم بارک فیه وانشر منه »
ترمذی نك روایتنه کوره ایکی دفعه جبریلی کوردیکی
واققدر . اوت ، برکوز كه جبریلک لقاسنه موفق ،
برقلب كه رسول اللهك دعاسنه مظهر اولاء ، اونده
علوم اولین و آخرینه دائر حظ وافر بولونماشی
مستبعد دکلدر .

ذهبی دیوركه :

کره ارضده کنیدیسندن اعلم بر فرد اولماقله
برابر علمای دین اطلاقه شایان ذواتی تلمیذ اولارق
یتیشدیرمش ، وفاتندن سوکراده مکتب عرفان امتی
اوکسوز براقامشدر . اولردن بعضیلری : مجاهد ،
سعید بن جبیر ، اعراج ، عکرمه در .

۶۸ ده طائفده ارتحال ایدوب (محمد بن الحنفیه)
طرفندن نمازی قیلنمشدر . نمازدن سوکره محمد بن
الحنفیه برنطق ایراد ایدهرک « ايشته شیمدی علمك
بناسی کوچدی » دیمش ، ذاتاً کوزلری یاشارمش
اولان خلقی غریبو وفریاده سوق ایتمشدر .

ابن الوزیر الیانی «مفسرینك الكزیده سی صحابه در .
چونكه حق عالیلرنده کتاب وسنتده ثناوارد اولمشدر .
قرآن ، کندی لسانلری اوزره نازل اولقله برابر اوکلرینه
برمشکل آیت کلدکده مشکات نبوتدن استیضاح ایله
حل اشکال ایتلری طولایسییه غلط و خطانك
اولردن ظهوری باشقه لرندن آز اولق لازم کلیر » .
دیدکدن سوکرا سوزی ابن عباسه نقل ایدهرک
دیوركه : مع مافیه اصحاب آراسنده تفسیرجه
متخصص بولنان عبدالله بن عباسدر . تفسیره عائد
کندیلزدن مروی اولان معلومات طوپلور صورتده
جمع اولونمش وشو حال ، صدر اولدن هیچ بر
کیسه حقنده میسر اولماشدر . بناء علیه اسنادی

دعوت ایدیور ، دیدیلر . فاروق اعظم ، « سن نه دیرسک ؟ » دیه ابن عباسه صوردی . اوده « بوسوز، اجل محمدینک نهایته کلدیکنی بیلدیریور، جوابی ویردی .

بو جواب ، حضرت عمرک تحسینی موجب اولدی . کافه حضارده ابن عباس حقنده دعای بیغمبرینک نافذ اولدیغنی تسلیم واعتراف ایلدیلر . اوچنجی وجه — ابن عباسه منتهی اولان طرق روایتک محفوظ و متصل اولارق هیچ بر وجهله دوچار انقطاع اولماسیدرکه اسباب یکانه اسباب رجحانده بو اولق ایجاب ایدر . اونک ایچوندرکه علی بن ابی طالب وسائر کبی کندیسندن دهافضل اولان صحابه بولوندیغنی حالده اولره واصل اولان طرقک انقطاعه اوغراماسی وطرق ابن عباسک ایسه اوندن وارسته بولونماسی رجحانی ایجاب ایلهمشدر .

مابعدی وار دارالفنون الہیات فاکولتہ سی تفسیر
وتاریخ تفسیر مدرسی
برغم علی ہودت

اسناد

۵

دها بوقیل و بونلره مماثل امثله وار ایسه ده تطویدلن اجتناباً بهضیرینه اشارتله اکتفا ایدیورم . ازجمله علما و اکابر صحابه نیک آحاد و صحابه دن و حتی اولادلرنندن و آنلرک دوننده تابعیندن روایتلری ایلہ استشہاد ایدہرز . اگر صحابه اسنادہ لزوم کورمیه ایدیلر مادونلرنندن ، اولادلرنندن تابعلرنندن روایتہ محتاج اولمقسزین ، « قال رسول الله ، دیویررلردی . حالبوکه بویله یامادیلر ویامادیلر . اصطلاح محدثینده بوقیل روایاتہ (روایۃ الاکابر عن الاصاغر) و (روایۃ الآباء عن الابناء) اطلاق اولنور ، بویله ایکن

صحیح اولق شرطیلہ اوکا واصل اولان روایات تفسیریہ بوبابده علاقہدار اولان جواهر امتک تفسیرلرنندن دهافضل قبوله احری والیقدر . بوده برقاچ وجهله ثابتدر .

برنجی وجه — فخر عالم صلی الله علیه وسلم افندیوز ، بو ذات شریف حقنده فقه و تاویل ایلہ ده ایتمش وشو کیفیت ۸۰۷ تاریخنده ارتحال ایدن (نورالدین علی الہیتمی) طرفندن زواند کتبستہینی جامع اولق اوزره آلتی جلدن مرکب (زواند) نام اثرده طریق عدیده ایلہ رهن ثبوت اولمش ، حتی بخاری و مسلمده او دعالری ناطق اولان احادیث تخریج اولونمشدر .

ایکنجی وجه — بوتون صحابه ، مشار الہک صورت عمومیه ده علمی ، باخصوص تفسیرده کی وسعت اطلاعی بر شکل تعظیمکارانده تسلیم ایلہ مشلدر . کرچه بدایت امرده بدرده بولونمش بونجه اختیارلر آراسنده کندیسکی برکنجه موقع امتیاز ویریلہ سی — « بزم ابن عباس قدر اولادمز وارکن بزمه مساوی طوتولق شویله طورسون ، بزه ترجیحاً اوکا موقع امتیاز ویریلہ سی روامیدر ؟ » کبی اعتراضلرک یوکسلمسنه بادی اولمشسده اخیراً حضرت عمر طرفندن آچیلان امتحان ، هم اونک موقع احترامه لیاقتی ، هم ده فاروق اعظم حضرت تترینک قیمتشناسلغنی میدانہ حیقارمشدر . اولجه ابن عباسه چهره اشمئزاز کوسترنلره او حضرتک پیش اقتدارنده باش اکدیرمشدر . امتحان شویله در : عمر رضی الله عنه ، برکون معترضلره ابن عباسی برانچمندہ جمع ایدہرک (اذا جاء نصر الله) سورہ سنی موقع مذاکره قویدی و سورہ نیک نهایتندہ کی (فسبح بحمد ربک واستغفره) نک معناسنی صوردی . بولونانلر « واجب الوجود حضرتلری ، مسلمینی فتح ونصرتی متعاقب تحمید و استغفاره